

Na osnovu člana 34. Zakona o radu („Službene novine Federacije BiH“, broj: 26/16, 89/18 i 44/22), člana 16. Pravilnika o radu REZ Agencije br. 13-1-1/2021, Sporazuma br. 09-30-6108-1/23, Programa „Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2023.-2024.godina“, broj: 09-30-6108/23 i Programa o izmjenama i dopunama Programa broj: 09-30-11936/23, Regionalna Razvojna Agencija za regiju Centralna BiH – “REZ” d.o.o. Zenica objavljuje:

## **PONOVNI JAVNI OGLAS**

za prijem lica na stručno osposobljavanje bez zasnivanja radnog odnosa

### **I PREDMET PONOVOG JAVNOG OGLASA**

Regionalna razvojna agencija za regiju Centralna BiH – “REZ” d.o.o. Zenica objavljuje Ponovni Javni oglas za prijem lica radi stručnog osposobljavanja za samostalan rad, bez zasnivanja radnog odnosa nezaposlenih osoba do 35 godina starosti bez radnog iskustva u stečenoj stručnoj spremi i zanimanju za potrebe Vlade Zeničko-dobojskog kantona za period 2023.-2024.godina, u trajanju najduže godinu dana, i to:

1. Lica sa VSS/VII stepenom stručne spreme ili visokim obrazovanjem prvog ili drugog ciklusa Bolonjskog sistema studiranja koji se vrednuje sa najmanje 180 ECTS bodova ... **29 izvršilaca, i**
2. Lica sa SSS/IV stepenom stručne spreme..... **5 izvršilaca**

### **II MJESTO I TRAJANJE STRUČNOG OSPOSOBLJAVANJA**

1. Mjesto rada primljenih lica na stručno osposobljavanje je Vlada Zeničko-dobojskog Kantona, Zenica.
2. Prijem lica na stručno osposobljavanje bez zasnivanja radnog odnosa vrši se na određeno vrijeme u trajanju:
  - od 12 mjeseci za lica sa završenom Visokom stručnom spremom
  - od 6 mjeseci za lica sa završenom Srednjom stručnom spremom

### **III SPISAK TRAŽENIH ZANIMANJA**

#### **Visoka stručna sprema (VSS):**

1. Zanimanja u okviru društvenog smjera, odnosno diplomanti fakulteta iz grupacije društvenih nauka, kako slijedi:
  - a) **Pravni fakultet**
  - b) **Fakultet za kriminalistiku, kriminologiju i sigurnosne studije**
  - c) **Fakultet političkih nauka**
  - d) **Ekonomski fakultet**

2. Zanimanja u okviru humanističkog smjera, odnosno diplomanti fakulteta iz grupacije humanističkih nauka, kako slijedi:
  - a) **Filozofski fakultet,**
  - b) **Pedagoški fakultet,**
  - c) **Fakultet sporta i tjelesnog odgoja**
3. Zanimanja u okviru tehničkog smjera, odnosno diplomanti fakulteta iz grupacije tehničkih nauka, kako slijedi:
  - a) **Arhitektonski fakultet,**
  - b) **Građevinski fakultet,**
  - c) **Mašinski fakultet,**
  - d) **Elektrotehnički fakultet,**
  - e) **Fakultet za saobraćaj i komunikacije,**
  - f) **Fakultet za metalurgiju i materijale,**
4. Zanimanja u okviru prirodno-matematičkih i biotehničkih nauka, odnosno diplomanti fakulteta iz grupacije prirodno-matematičkih i biotehničkih nauka, kako slijedi:
  - a) **Poljoprivredno-prehrambeni fakultet.**

### **Srednja stručna sprema (SSS)**

1. **Ekonomski tehničar- IV stepen,**
2. **Tehničar građevinske struke – IV stepen.**

## **IV OPĆI USLOVI**

1. Kandidati prijavljeni na ponovni javni oglas radi sticanja radnog iskustva poslije stečene visoke stručne sprema moraju ispunjavati opće uslove propisane članom 25. stav 1. Zakona o državnoj službi u Federaciji BiH ("Službene novine Federacije BiH", br. 29/2003, 23/2004, 39/2004, 54/2004, 67/2005, 8/2006, 77/2006 - odluka US, 34/2010 - odluka US, 45/2010 - dr. zakon, 4/2012, 99/2015 i 9/2017 -odluka Ustavnog Suda) i to:

- a) da su državljani BIH
- b) da su stariji od 18 godina
- c) da su zdravstveno sposobni za obavljanje poslova za koja se prijavljuju
- d) da imaju univerzitetsku diplomu najmanje VII stepena stručne sprema odnosno visoko obrazovanje prvog (180 ECTS bodova), drugog (240 ECTS bodova) ili trećeg ciklusa Bolonjskog sistema studiranja,

2. Kandidati prijavljeni na ponovni javni oglas radi sticanja radnog iskustva poslije stečene srednje stručne sprema moraju ispunjavati opće uslove propisane članom 24. Zakona o namještenicima („Službene novine Federacije BiH“, broj: 49/05, 45/10 i 103/21)

- a) da su državljani BIH
- b) da su punoljetni
- c) da imaju opću zdravstvenu sposobnost za obavljanje poslova za koje se prijavljuju
- d) da imaju svjedočanstvo/diplomu o stečenoj srednjoj školskoj sprema-IV stepen

## V POSEBNI USLOVI

Pored općih uslova, kandidati prijavljeni na ponovni javni oglas moraju ispuniti i posebne uslove i to:

- a) da se nalaze na evidenciji nezaposlenih lica kod JU Služba za zapošljavanje ZDK,
- b) da nemaju radni staž, niti radno iskustvo nakon sticanja tražene stručne spreme za određeno zanimanje.

## VI SPISAK POTREBNIH DOKUMENATA

Kandidati su dužni uz potpisanu prijavu s kraćom biografijom dostaviti sljedeće dokumente:

- a) izvod iz matične knjige rođenih, ne stariji od 6 mjeseci,
- b) uvjerenje o državljanstvu, ne starije od 6 mjeseci,
- c) diploma ili uvjerenje o završenom VII stepenu stručne spreme visokog obrazovanja odnosno najmanje prvog (180 ECTS bodova), drugog ili trećeg ciklusa Bolonjskog Sistema studiranja (VSS). U slučaju da fakultet nije završen u BiH, strana diploma mora biti nostrificirana (dokaz o nostrifikaciji).
- d) diploma o završenom IV stepenu stručne spreme (SSS),
- e) dokaz o ostvarenom prosjeku ocjena cjelokupnog završenog studija na fakultetu (VSS, dodatak diplomi) ili priloženo svjedočanstvo za četverogodišnje školovanje (SSS),
- f) ovjerenu izjavu kandidata datu pod punom krivičnom, moralnom i materijalnom odgovornošću da nema radno iskustvo nakon sticanja tražene stručne spreme do prijave na Javni oglas,
- g) uvjerenje Službe za zapošljavanje ZDK da se kandidat nalazi na evidenciji nezaposlenih lica, s podatkom o dužini vremena provedenom na evidenciji nakon sticanja tražene stručne spreme (SSS I VSS).

**Dokumenti koji se prilažu uz prijavu moraju biti u originalu ili ovjerenoj kopiji (dokumentacija se ne vraća).**

## VII ROK ZA PODNOŠENJE PRIJAVA, MJESTO I NAČIN DOSTAVLJANJA

Prijave sa traženom dokumentacijom dostaviti najkasnije do **30. septembra 2023.** godine.

Svu potrebnu dokumentaciju dostaviti preporučeno putem pošte ili direktno na adresu:

**REGIONALNA RAZVOJNA AGENCIJA ZA REGIJU CENTRALNA BIH –**

**“REZ” d.o.o. Zenica**

**ŠTROSMAJEROVA 11/3**

**72000 ZENICA**

Sa naznakom:

**“Prijava na Ponovni Javni oglas za prijem lica na stručno osposobljavanje bez zasnivanja radnog  
odnosa”  
NE OTVARAJ**

## VIII OSTALE NAPOMENE

Zaprimljene prijave razmotrit će posebno formirana Komisija za izbor korisnika programa. Sve prijave koje budu neblagovremene, nepotpune i neuredne bit će odbačene kao formalno neispravne i neće biti predmetom bodovanja. Komisija za izbor korisnika programa izvršit će bodovanje samo kandidata koji ispune opće i posebne uslove propisane Pravilnikom o utvrđivanju uslova, kriterija, načina bodovanja i prijema kandidata prijavljenih na ponovni javni oglas za učešće u Programu, te će sa svakim kandidatom obaviti usmeni intervju, prilikom čega će ocijeniti opći dojam koji je kandidat ostavio tokom intervjua.

Konačna lista kandidata bit će javno objavljena na web stanicama Zeničko-dobojskog kantona, REZ-a i JU Služba za zapošljavanje Zeničko-dobojskog kantona.

Kandidati koji se ne budu nalazili na Konačnoj listi mogu izjaviti prigovor na istu u roku od 3 dana od dana posljednje objave Konačne liste Regionalnoj razvojnoj agenciji za regiju Centralna BiH-“REZ” d.o.o..

Svaki kandidat s kojim se zaključi pojedinačni ugovor ostvarit će pravo na naknadu za rad u skladu sa članom 3. stav (2) Zakona o posredovanju u zapošljavanju i socijalnoj sigurnosti nezaposlenih osoba (“Službene novine FBiH”, broj: 41/01,22/05 i 9/08), u iznosu do 25% posljednje objavljene prosječne plaće u FBiH za 2022. godinu.

Kandidati će biti osigurani za slučaj invalidnosti i smrti zbog povrede na radu ili profesionalne bolesti za vrijeme rada kod poslodavca bez zasnivanja radnog odnosa u skladu sa članom 17. stav (1) Zakona o penzionom i invalidskom osiguranju (“Službene novine FBiH”, broj: 13/18).

Pravo na zdravstveno osiguranje ostvarivat će u skladu sa propisima za nezaposlena lica putem JU Služba za zapošljavanje Zeničko-dobojskog kantona.

U pojedinačnim ugovorima s kandidatima bit će precizirano ministarstvo ili drugo tijelo kantonalne uprave Zeničko-dobojskog Kantona u koje se kandidat rapoređuje na obavljanje stručnog osposobljavanja bez zasnivanja radnog odnosa.

Sve dodatne informacije mogu se dobiti na broj telefona: 032/462-161 ili mail: [info@rez.ba](mailto:info@rez.ba)

Zenica, 11. avgust 2023. godine.

Dostaviti:

1x Službena web stranica REZ Agencije

1x Službena stranica Zeničko-dobojski kanton

1x Službena web stranica JU služba za zapošljavanje Zeničko-dobojskog kantona

1x Komisija za provođenje Javnog oglašavanja